



Visoki predstavnik govorio na konferenciji Odbora regionalnog razvoja u Briselu

Visoki predstavnik Valentin Inzko u Briselu nazoči konferenciji Europskog odbora regionalnog razvoja (*Committee of Regions - CoR*) pod nazivom "Peti Dan proširenja".

U svom govoru, visoki predstavnik je istaknuo da su brojni problemi i dalje prisutni, uprkos značajnim političkim i finansijskim investicijama u Bosni i Hercegovini. Primjetni su problemi u oblasti vladavine prava, što sprječava strane investicije. "Činjenica da vlasti na svim razinama u BiH zanemaruju ili odbijaju obvezujuće sudske odluke, uključujući i odluke Suda BiH i Ustavnog suda BiH, kao i odluke Europskog suda za ljudska prava, nije dobra poruka za potencijalne investitore," rekao je visoki predstavnik.

Visoki predstavnik je naglasio da međunarodna zajednica, uključujući i Komisiju EU, koja je o tome govorila u svom nedavno dostavljenom Mišljenju, također prepoznaje potrebu za provedbom reformi u pravosuđu, uključujući i one koje se odnose na Visoko sudbeno i tužiteljsko vijeće, koje bi donijele potrebna poboljšanja u ovoj oblasti. Međunarodna zajednica je spremna pružiti savjete i pomoći Bosni i Hercegovini u provedbi nužnih promjena, kako bi se unaprijedile ranije reforme.

"Siguran sam da bi poboljšanja u oblasti vladavine prava, uključujući i borbu protiv korupcije, pokrenula lanac investicija u BiH, a samim tim unaprijedila i život građana u cijeloj Bosni i Hercegovini", istaknuo je visoki predstavnik.